

بِسْمِ اللَّهِ الرَّحْمَنِ الرَّحِيمِ

# KHUTBA JUMMAH

HADHRAT MUHYI-UD-DIN AL-KHALIFATOULLAH

*Munir Ahmad Azim*

24 Juillet 2015 ~  
(07 Shawwal 1436 Hijri)

**(Résumé Khutba)**

**Après ki li fine salué tous so bane disciples (et tous bane musulmans) entier le monde avec la salutation de paix dans l'Islam, Hadhrat Muhyi-ud-Din (atba) fine lire Tashahhud, Ta'uz, Surah Al Fatiha, et li fine ensuite axé so Khutba lors:**

C'est pas par azare ki l'homme exister. Et non plus so présence lors la terre li sans but. So création li ene décret d'Allah pour bane buts bien précis. Sans aucaine doute, et sans exagération, l'homme (c'est-à-dire, la race humaine) li seul créature ki Allah (twf) le plus grand Créateur fine préféré à tous bane les z'autres créatures. **« En vérité, Nous fine donne l'honneur à bane zenfants Adam, et Nous fine transporte zot lors la terre et la mer. Nous fine fourni zot bane bon kitchose, et Nous fine accorde zot pli beaucoup faveurs ki à beaucoup Nous bane les zot créatures. »** (Al-Isra 17: 71).

L'homme (Dimoune) so supériorité lors bane les z'autres créatures manifesté dans plusieurs façons: Allah fine accorde li le libre-arbitre (c'est-à-dire, la liberté pou choisir so chemin dans la vie, ki li bon chemin ou mauvais chemin), et Allah fine accorde li ene l'esprit pour ki li capave fer la distinction entre le bien et le mal. L'homme aussi li possède ene l'âme, ki Allah fine créé et ki Li fine soufflé dans li et dans sa façon là kot li vine ene vrai dimoune, et pas seulement ene cadavre, et kot li possède aussi (à cause sa souffle divine là) quelques attributs d'Allah ki reflété dans li. Allah fine fer So propre éloge dans So livre béni (le Quran Shareef), kan Li (Allah) fine décrire bane faaze de la création de l'homme: **« Nous fine créer la race dimoune avec ene extrait la terre mouillée. Après sa, Nous fine place li comme ene goutte sperme dans ene réposoir en sécurité. Ensuite Nous fine faire le sperme collée et Nous fine faire sa boute collé là vine ene morceau (la chair) et Nous fine créer avec sa morceau là, les z'os, et Nous fine couvert les z'os là avec la chair. Et Nous fine produire ene l'autre créature avec sa. Gloire à Allah ! Allah Li-même meilleur créateur ! »** (Al-Mu'minun 23: 13-15).

Par conséquent, l'homme bizin reconnaite so valeur et so supériorité lors tous bane les autres créatures. Péna so pareil – bane les autres créatures pas capave mette compétition avec li. So l'âme, de même ki so lé corps, tous sa là zot bane faveurs de sa Grand Créateur là (Allah), ou pluto sa c'est

ene cado, ene don extraordinaire ki Allah fine fer li (l'homme). Et alors l'homme ena le devoir pou préserve sa l'âme et lé corps là et protéze zot et pas fer bane kitchose ki pou cause li le moindre préjudice. Mais kan l'homme li alle ignore tous sa bane réalités là, et ki l'existence de bane dimounes couma li-même lors la terre pas veut dire nannié pou li, pas ena aucaine valeur dans so lizié, alors dans ene façon Allah fer en sorte ki li privé de sa l'essence divine ki dans li là. Li pas manifesté sa bane attributs divines là. Sa l'essence divine là li bloqué, et li vine inefficace. Alors, l'homme prend li couma ene créature couma les autres, ki ena ene commencement et ene la fin (li pas réalise alors le but ki Allah fine place li lors la terre). Et sa même tout. Li conne zis amizé. Li comporte li couma tous bane les autres zaimo. Et alors sa façon de pensé là li cause principale de la perte de bane milliers de dimounes, pour pas dire des millions de vies humains. Zot prend la vie sacré ki Allah fine accorde zot couma ene kitchose banale. Et alors commié bane peuples fine exterminé dépi so premier ziska dernier, sans kit raison valable ? Azordi zour, crime fine vine ene fléau ki pé prend de plus en plus l'ampleur, jour après jour. Pas passe ene moment sans ki nous tende ki ene crime fine commette par là. Pourtant, bane raisons ki justifié bane meurtres zot bien banales. Pou ene nannié ditout, dimounes pé touye dimounes : parfois à cause ene cigarette, ene ti somme l'argent, la jalousie, ene zistoire de cœur ki fine mal tourné, etc. Pourtant Allah fine catégoriquement interdit dimoune pou touye dimoune. **« Pas tire la vie ki Allah fine rende sacré, excepté par la justice. Pou celui ki gagne touyé injustement, Nous fine donne so héritier l'autorité (pou demande dommage). Mais faudré pas ki li exagérer, kan ena ene meurtre, parski li pou gagne aide. »** (Al-Isra 17: 34)

En plisse de bane massacres et bane crimes, ene l'autre fléau ki pé prend de plus en plus l'ampleur de nos jours, c'est : suicide. Le suicide, kot ene dimoune ki tire so propre la vie li ene péché très grave ki Allah, le créateur fine interdit. **« Et pas touye zot-même. Certes Allah ena pitié pou ou. »** (An-Nisa 4: 30).

Si Li fine donne nous la vie, alors pour ki raison nous bizin tire sa la vie là ? Saki pé passé de nos jours li bien chagrinant, et même bien pénible pou guetté, surtout parmi bane jeunes. Pour ene oui pour ene non, zot pé perdi zot la vie. Zot tire zot propres la vie pour bane raisons bien banales tel que : ene mauvais résultat après ki li fine compose l'examen, difficulté pou trouve travail, ene dispute avec bane parents, etc. Pour sa bane jeunes là, solution pli facile pou zot à tous sa bane problèmes là c'est retire zot propre la vie. Le suicide li ene péché ki so bane conséquences pou lourds pour sa bane dimounes là le jour du jugement dernier. Abu Huraira (ra) rapporté ki le Messager d'Allah (saws) fine dire : **« Celui ki touye li-même par ene objet pointu, alors li pou reste prend sa objet là dans l'enfer et continué éternellement pou touye li-même. Celui ki suicide li par boire poison, alors li pou reste continuer boire poison éternellement dans difé l'enfer. Celui ki zette li-même d'ene montagne pou dans l'enfer, et li pou reste jette li-même (par même façon ki li fine servi pou touye li). »** (Muslim)

Sa punition bien dure là montré clairement ki ene dimoune ki fine suicide li zamais pou goûte kit repos dans Aakhérat. Si le désespoir fine entraîne li dans ene telle situation, eh bien c'est le pire ki pé attane li là-bas. Ki sakaine d'entre nous, bane musulmans et aussi bane non-musulmans, nous

faire ene bon réflexion lors sa sujet là afin ki nous tous compran vraie valeur de nous la vie. Faudé ki tous les temps, gramatin-tanto nous prend soin de sa cado d'Allah là. Faudé nous respecté aussi la vie de bane les autres. Et c'est à nous pou médite lors sa parole d'Allah là : **« C'est pourquoi Nous fine prescrire pour bane z'enfants d'Israël ki n'importe ki sanlà touye ene dimoune ki pas coupable d'ene meurtre ou d'ene corruption lors la terre, c'est comme si li fine touye toute l'humanité. Et quiconque sauve ene la vie, c'est comme si li fine sauve toute l'humanité. »** (Al-Maida 5: 33)

C'est Allah ki fine donne nous la vie et c'est à Li pou répran sa la vie là n'importe kan Li oulé. Pas anticipe la mort en mettant fin à zot la vie lors la terre ; c'est-à-dire, pas prend décision pou mette ene terme à zot la vie. Zamais pas désespéré parski le désespoir li travaille de Shaytane et de bane ki pas reconnaite zot créateur. Place zot confiance dans Allah, parski **« Après sak difficulté, ena facilité ! »**. (As-Sharh 94: 6)

La colère, la jalousie et rancune zot bane mauvais conseillers. Appranne maîtrise zot et pou pardonne à bane ki fine offense zot. Zot bizin touzours satisfaits avec la vie ki Allah fine donne zot, arrive saki arrive, dans n'importe ki situation ki zot trouve zot. Ki Allah fer nous miséricorde et pardonne nous! *Ameen*. Tous bane louanges appartenir à Allah, le Maître de tous bane les mondes!